

修武縣志卷之六

山川

山國澤國辨於周禮名山大川紀於禹貢河山所關蓋鉅矣哉修雖僻陋北依行山南跨潁水山則嶮岬起伏屏障千層水則潏洄波折貫穿全邑披圖而流覽見阨塞險要之防津梁堤岸之設禽獸草木之生魚鱉貨財之殖形勝所在經綸具焉詎可忽乎至百家巖明月池諸名蹟足以資吟咏而蠟游屐又其餘者

修武縣志

卷之六

山川

一

太行山在縣北五十里廣輿記云覃懷一切諸山皆太行也自濟源綿亘迤邐經河內環帶縣北東跨蘇門延袤千里

天門山在縣北四十里諸山惟此最高兩山相峙其狀如門水經注云瀑布乘巖懸河注壑二十餘丈雷扑之聲震動山谷左右石壁層深獸跡不交隍中散水霧合視不見底南峯北嶺多結禪棲之士東巘西谷又是剝靈之圖竹栢之懷與神心妙達仁智之性與山水効深更爲勝

處也

吳澤坡在縣北左傳魏獻子田于大陸卽此

嵇山在大行南晉嵇康曾寓居於此故名卽竹林七賢遊地也

覆釜山在縣北五十里大行最高處卽今之小北頂以形似覆釜故名

青口山在大行東西兩峽色如青葱故名

鳳凰山在縣北六十里高出諸峯之上相傳宋熙寧間有鳳集其上故名

六真山在縣西北二十五里元邱處機等修道於

此故名山下有洞深邃莫測中有丹竈

温峪山在縣北五十里有峽高數百仞瀑布飛流  
滙爲黑白二龍潭

閻王鼻山在青口後壁立萬仞相傳有異人鑿石  
挿木而上其上平行泉甘土沃多珍禽奇卉

百家巖在天門山下有石巖高數十仞廣數百丈  
其下可容百家故名

當陽峪在縣西北四十五里大行山中

孫真人洞在大行山中相傳孫思邈嘗居此洞中

有五色石丸人取服之

觀音洞在大行山玉女泉下

古漢山在縣北三十五里其西有漢獻帝陵故名

孔陽坡在太行西形勢突兀崑磴縈迂

伏諸坡伏於太行山之南故名

預河卽小丹河秦始皇帝開水利於河內大丹河

出山之處分一枝東流爲光溝又東爲常明溝

經武陟至修武爲蔡溝東入吳澤陂其後引入

衛河協濟漕運康熙二十九年總河王 題

修武縣志

卷之六

山川

三

請濟漕之餘許民間灌田然遇旱則上流堵截

遇潦則建瓶而下恒有毀廬傷稼之虞雍正六

年知縣王言綸疏濬廣濶倍于昔日

皇母泉在縣西北唐大中間開新河引入吳澤陂

今涸皇母見水經注舊志訛作王

靈泉在縣西五十里苟泉陂

王烈泉在百岩

玉女泉在觀音洞北

明月池在百家岩下

龍王泉在五里源

鳴鳥泉在縣東六真鄉

馬坊泉在五里源北上有海蟾宮

巧婦泉在縣東北六真鄉

馬鳴泉在縣東北六真鄉

濁鹿泉在大陸邨遇旱卽涸

黑龍潭在温峪雨山壁立中其水深黑其聲如雷

白龍潭在黑龍潭之南相傳有黑白二龍相爭潭

上各有龍祠禱雨輒應

修武縣志

卷之六

山川

四

五里泉在六真鄉

七里泉在六真鄉

陶泉在縣北

熨斗泉在七賢鄉

會泉在七賢鄉

劉公河古無此河乾隆六年知縣劉建吉因縣南

一帶地窪民苦浸漬開渠洩之自邑境西南界

起迤邐東北行四五十里至平政橋南入於靈

泉河浸漬盡去邑民賴之

橋梁 附

龍渠橋知縣卜永昇建在東門外

南門外橋

西關外橋

官驛橋

廣德橋在縣東北里許知縣宋師祁建

梁庄橋生員趙廠建

孔庄橋

劉公橋在東門外知縣劉建吉建

修武縣志

卷之六

山川

五

平政橋在縣西四里許康熙十七年知縣宋師祁

易木爲石至三十年霖雨傾塌邑人吳文錦捐

資倡募重修壯固於昔

馬道河橋

平陵橋

曹邨橋

北三里橋

北七里橋

古蹟

古之賢人君子聲華風旨輝映一時及其既往而後之人慨慕無窮經其故里攷其逸事往往憑弔徘徊而不忍去高山仰止景行行止百世而下且然況生同時者乎若夫昔日繁華今成茂草風流如昨遺跡空存又感慨繫之矣

雍城在清化東修武西古雍國文王子封此左傳郟雍曹滕文之昭也杜註雍在河內山陽縣西攢城在縣北二十里左傳周襄王賜晉文公攢茅

修武縣志

卷之六

古蹟

六

之田卽此今名大陸村

隕城左傳隱公十一年以隕與鄭杜注在修武縣北京相璠曰修武縣北有故隕城

李同城在縣東北二十里城圍三里漢志河內郡

有李城史記邯鄲李同却秦

舊志訛作晉

兵戰死趙

封其父爲季侯卽此舊志訛爲李固

山陽城在修武西北三十五里漢置山陽縣曹丕篡漢廢帝爲山陽公卽此

濁鹿城在縣西北六十里漢獻帝葬城北俗呼獻

陵省志有雍城有濁鹿城而不載山陽城云濁鹿卽山陽輿圖脩攷亦然郡志雍城在清化東修武西山陽城在修武西三十五里濁鹿城在修武西北六十里舊縣志有濁鹿城山陽城而無雍云山陽城在縣西三十里卽古雍國按省志以濁鹿卽山陽縣志又以山陽卽雍城是三城卽一城矣第郡縣志山陽濁鹿相去三十里難合爲一故并存山陽濁鹿之名以脩攷若雍城則時代在前更不宜

刪去其名也一名濁城二名清陽城見後漢書

修武縣志

卷之六

古蹟

七

呂公城在縣西五十里俗呼秦呂公城

南陽城在縣北三十里左傳晉啓南陽卽此唐韓

愈世家焉有韓家庄湘子祠故址今名安陽城

小修武城在縣東南十五里宣陽驛東漢高祖奪

韓信軍於此俗名齊王城

避暑樓在百家巖西漢獻帝常避暑於此今廢址

猶存

醒酒臺在避暑樓西有奇石長二丈餘俯窺絕壑

劉伶每大醉臥其上宋曹涇大書醒酒臺三字

鐫石今尚存

淬劔池嵇康鍛竈俱在百家巖下有宋人石刻  
連理槐在縣西二十里義門村兩樹相去三步許  
上有一枝交貫甚茂宋張弘毅家物也

海蟾宮在縣北馬坊村劉操修道處有石刻入道  
歌

環翠亭在百家巖下知縣宋師祁重修

范張祠在安信鄉事詳雜識

釣臺營在縣北七里許相傳村中有池池內有月

修武縣志

卷之六

古蹟

八

晦朔弦望與在天者無殊今池亦不知所在矣  
苟泉陂在縣西五十里舊志晉太和中楊生隨  
一犬醉臥於此野火將至犬號呼不醒遂跑地  
得泉以身引水涸草生得不死

甘泉閣在縣西門外不知創自何時其下有泉甘  
而冽故名

七賢鄉在縣西三十里山陽城卽晉七賢竹林遊  
處也詳見雜識

甄塔在南門內創始不可攷康熙五十二年三月



十七日塔頂忽現青白二氣似雲非雲似烟非

烟越二日方止

孔子問禮處在孔庄之南成文有記辨其譌

修武縣志

卷之六

古蹟

九